

თბილისის “დინამო” მეოთხედფინალში

კვირადღეს ფეხბურთის მოყვარულთა ყურადღების ცენტრში იყო სსრ კავშირის თასის მერვედფინალური მატჩები, რომლებსაც უნდა გამოევიდნათ ამ შეჯიბრების შემდგომი, მეოთხედფინალური ეტაპის მონაწილენი.

თბილისის “დინამოს” საპასუხო შეხვედრა ჰქონდა ტაშკენტში, “ფახთაქორთან”. ჩვენ გვახსოვს ამ გუნდების პირველი მატჩი, რომელიც 2 აპრილს შედგა თბილისის სტადიონზე. იმ პერიოდში, სეზონის სტარტზე, თბილისელთა კოლექტივი ვერ გამოიყურებოდა შთამბეჭდავად, მაყურებელი უკმაყოფილებას გამოთქვამდა მისი თამაშით, საკონტროლო მატჩების შედეგებით და თვით ის შეხვედრაც ვერ იქნა ჩატარებული სასურველ დონეზე. დინამოელებმა გაიმარჯვეს მხოლოდ მინიმალური ანგარიშით და ეს გარკვეულ შემოფოტებას იწვევდა საპასუხო მატჩის მოსალოდნელი შედეგის მიმართ.

მაგრამ დაიწყო საკავშირო ჩემპიონატი, თბილისელთა რიგებს დაუბრუნდა ზოგიერთი ტრავმირებული მოთამაშე და გუნდმაც ნათალად დაამტკიცა, რომ ზედმეტი სკეპტიციზმი მისი საბრძოლო ფორმის შესახებ უსაფუძვლო იყო. ჩვენმა ფეხბურთელებმა საუკეთესოდ ჩაატარეს პირველობის ორივე მატჩი, როგორც მოსკოვის “სპარტაკთან”, ისე კიევის “დინამოსთან”, ქულათა მაქსიმუმი აიღეს, ხოლო 16 აპრილს ტაშკენტის სტადიონზე კიდევ ერთხელ ცხადვეს თავიანთი მაღალი კლასი, როცა ხელმეორედ დაამარცხეს ადგილობრივი “ფახთაქორი”.

მეტოქეთა შემადგენლობანი ამ დღეს ასეთი იყო: “ფახთაქორი” – ჩეჩეტინი, სეროსტანოვი (ისაკოვი), აშიროვი, მოგილნი, ზაგუმენიხი, კორჩენოვი, ჩურკინი, ანი, მაკაროვი, ფიოდოროვი, ბაკანოვი.

“დინამო” (თბილისი) – გაბელია, ხიზანიშვილი, კანთელაძე, ხინჩაგაშვილი, მუჯირი, ჩივაძე, მ. მაჩაიძე, ქორიძე, გუცაევი (გ. მაჩაიძე), (ჩელეზაძე).

მსაჯი – ე. ლიპატოვი (მოსკოვი).

ბრძოლას თავიდანვე შეუპოვარი ხასიათი ჰქონდა. მასპინძლების თავდამსხმელები ვერაფერს გახდნენ თბილისელთა ორგანიზებული დაცვის წინააღმდეგ. საპასუხო იერიშების დროს კი ჩეჩეტინის კართნ ხშირად იქმნებოდა სახიფათო მომენტები. 24-ე წუთზე ქორიძის შორეული გადაცემისას მეკარემ უზუსტოდ ითამაშა, მას დაასწრო შენგელიამ და თავით გაგზავნა ბურთი “ფახთაქორის” კარის ბადეში – 1:0.

შესვენების შემდეგ დინამოელებს არ შეუნელებიათ შეტევები, ანგარიშის გაზრდის შესაძლებლობა მიეცათ ჩივაძეს, შენგელიას, ყიფიანს, კარს აცდა მ. მაჩაიძის ძლიერი დარტყმა.

“ფახთაქორი” ძალზე ძნელი ამოცანის წინაშე იმყოფებოდა. ახლა მას თამაში უნდა მოეგო სულ ცოტა, ანგარიშით 3:1, რომ ორი მატჩის ჯამში ბურთების უკეთესი სხვაობა ჰქონოდა, მაგრამ საამისო მინდორზე არაფერი ჩანდა. თბილისელები არ უშვებდნენ ხელიდან ინიციატივას. არ უშველა საქმეს 74-ე წუთზე “დინამოს” კარში ხელით თამაშისთვის დანიშნულმა პენალტმაც: მეკარე გაბელიამ აიღო ანის მიერ დარტყმული ბურთი.

თბილისელმა დინამოელებმა შესანიშნავად გაართვეს თავი საპასუხო მატჩის სიძნელებს, მოიგეს იგი და მოიპოვეს სსრ კავშირის თასის მეოთხედფინალში მონაწილეობის უფლება.